

„hernach stet geschriben, were daz Otto Junge von Donin vnser
 „Bettler abginge, mit dem Tode daz Gott wende, so sal der Edele
 „her Time von Coldiz dez vorgenannten vnserß herrn Marschalck
 „oder ab der binnen der Zeit auch abginge oder in dem Lande
 „nicht inder her bothe von Turgow des bichene ist, allen sinen
 „Erbeteil vnd binamen an den husern zcu Donin vnd czu Rabenaw
 „vnd alles daz darczu gehort ledig vnd vorlehent manschafft, stete,
 „derffer, gericht, Kirchlehn wazzer vischeri welde holtz wiesewachs,
 „Eckere, Borwerk weide vnde gemeinslichin alle gut recht unzen vnd ere
 „besucht und unbesucht wie die genant sin, als sie der vorgnante min Bettler
 „gehabt hat vnd noch hat, innemen vnd inne halde von des obge-
 „nanten vnserß Herren vnd vnsern Wegen als lange biz daz mit
 „den rechten wird entscheiden, also daz uns dz beidersit sol vnsched-
 „lich sin, zcu vnserß rechten, were aber dz der vorgenanten zeweyer
 „von Coldiz oder von Turgow inweder in dem Lande were, so mugen
 „wir vnserß Bettlern Erbtheil innemen vnd wir sullen darnach von
 „Stand an den obgenanten von Coldiz oder ab der abgangen were,
 „dem von Turgow verboten und in denselben Erbeteil vn vor-
 „zoghliche in antworten ane allerli Argelist vnd geverde, were auch
 „dz der obgenante vnser herre der Marcgrave oder sine voite von
 „sinen wegen dabi qwemen, so sullen sie in den vorgenanten von
 „Coldiz oder von Turgow auch in antworten in sulcher wise, als
 „vor stat geschriben, vuch soll der vorgnante vnser Herre bi Daz
 „vnd bi Tage vns darumb Tage bescheiden für recht vnd welchem
 „vnserm denne derselbe Erbeteil mit den rechten anerteilt wirt, der
 „sal dabi bliben vnd dem sal man den ane vorzug in antworten
 „vnd geben gesche auch, daz derselbe Erbeteil vns zugeteilt wurde,
 „so sullen wir den von dem obgnanten vnsern herrn dem Marcgra-
 „ven und sinen erbin zcu rechtem Lehn habe vnd behalden, vnd
 „sullen in mit dem Vorgenanten vesten getrouvelichen beholffen sin
 „wieder aller menniglich niemandes v3 zu nennen an allerli argelist
 „vnd geverde, were aber daz binnen der Zeit genand anders bi
 „denselben teil qweme, so sal vns der vorgnante vnser Herre und
 „wir in wieder darzu beholffen sin vestiglichen das wir den wieder
 „ingewinnen, zcu vrkund darüber haben wir vnser Insigel an